



Egun beteko festa

■ Era guztietako ekitaldiak izango dira gaur Uliar parkean, Gipuzkoako ikastolen festa handian. Musika, bertsolariak, dantza, haur jolasak... Zortzi kilometro t'erdietan sei area handi egongo dira. Hemeretzi urte igaro dira lehen Kilometroak, EEBBetatik ekarritako ideia baten 'euskal bertsioa', ospatu zenetik. ■

Kilometroak 95en hasiera ekitaldia goizeko 9.30etan izango da Zurriola ikastolan. Hiru pertsona omenduko dituzte zirkuitua irekitzeko momentuan. Lehenik eta behin, «Donostian euskararen alde egin duen lana behar adina eskertu éz dioten» Karlos Santamaria izango da omendua. Honekin batera, Zurriola eta Herri Ametsa ikastoletan hasieratik lanean hasi eta oraindik bertan diharduten Maritere Elola eta Agurtzane Mujika omenduko dituzte.

Omenaldien ostean zinta ebaiki eta zirkuitua egiteari ekingo diote omenduek, agintariek eta bertara hurbiltzen diren guztiak. Lehen itzuli honen ostean, 'protokoloaren' bigarren zatia egingo da Herri Ametsa Ikastolan. Agintari, euskal kultur eta kirol munduko ordezkariak eta abar bilduko dira egingo den hamai-ketakoan.

Hauek gutxi batzuen lanak izango dira. Gainontzekoak goizean goizetik zirkuituan zehar gora eta behera ibiltzeko aukera izango dugu, eskaintzen diren ikuskizunetan parte hartuz. Zirkuitua arratsaldeko zazpiak bitartean egongo da zabalik.


Denetarik izango da zirkuituan barrena. Batzuk aurretik

prestatutakoak (ikus gehigarriaren erdiko orrialdeetan egitarau zehatza), beste batzuk ordea bat-batean antolatutakoak. Ekintza hauen guztien helburua, «alaitasunez eta jai giroan euskararen aldeko festa ospatzea».

Sei area ditu zirkuituak: Zurriola, Maristak, Uliako aterbea, Herri Ametsa, Ategorrieta eta Jesuitak. Gazteenek egun osoan zehar Super Bat jolasparkea izango dute Herri Ametsa ikastolan. Jesuiten arean, berriz, artisauen erakusketa izango da egun osoan, euskal pilota erakustaldiarekin batera.

Gainontzekoan, betiko kontuak: Txalaparta, bertsolariak (Maddalen Lujanbio, Egaña, Lazkano, Peñagarikano...), dantza (Eskola, Goizaldi. Alkartasuna...), herri kirolak, trikita, kontzertuak (European Sua, Akelarre, Urtz...) txarangak...

Eguna jai giroan pasatzeko asmoa duenak izango du non ibili gaur Donostian. Goizean zirkuituan barrena ibili eta arratsaldean besterik nahi duenak aukera paregabea du Anoetako Belodromoan arratsaldea bikain pasatzeko. 18.30etatik aurrera 'Iparragirre Hegalaria' antzerki musikala ikusteko aukera egongo da.



Zaharrek eta gazteek izango dute lekua gaurko festa handian.

LEIRE ARZUAGA

Vietnamgo soldaduei ohore

Hemeretzi urte pasatu dira Beasainen Gipuzkoako ikastolen aldeko lehen festa ospatu zenetik. Urte hartan Beasaingo Alkartasuna lizeoak eraman zuen aurrera Josu Mari Erguinekin Estatu Batuetatik ekarritako ideia.

Beasaindarra EEBBetara joan zen UBIko ikasketak egitera. Kalifornian ikasketak egiten ari zela, Vietnamgo gerratik etxera itzuli ziren soldaduei egin zitzaizen omenaldia ikusi ahal izan zuen. Zirkuitu itxi batean, desfilea, diskurtsoa... eskaini zieten soldaduei. Horietariko asko elbarri, droga arazoekin... etorri ziren gerratik. Horri aurre egiteko sarrera ordaindu behar zen zirkuitura sartzeko.

Idea hori buruan zuela etorri zen Josu Erguin Euskal Herrira. Behin Martin Ibarbia herriki-

dearekin ikastolarentzat dirua nola lortu pentsatzen ari zirela, EEBBetan jasotako ideia mahai gainean jarri eta Kilometroen lehen hazia landatu zuen.

Horti aurrera ikastolentzat ahalik eta diru gehien nola atera pentsatzen hasi ziren beasaindarrek. Martin Ibarbiak honela gogoratzen zuen momentu hura 'Berrigara' aldizkarian egindako elkarrizketan: «'Eta geuk zer egin dezakegu?' esaten nion neure buruari. Ba zirkuitu baten barruan hainbat ekintza jostalari ipini egun eder bat igarotzeko. Guk ez dauzkagu Vietnamgo gudariak, baina badaukagu aitzakia bat. Gure gerra ez zen Vietnamgoa, baina bai euskara, horixe zen gure aitzakia».

Honela, 1977ko urriaren 16an ospatu ziren lehen Kilometroak

Beasainen. Goizeko bederatzi-tan ireki zuten zirkuitua, Beasainen eta Lazkaon. Beasainen Gipuzkoako Ikastolen Elkarteko Batzarreko lehendakaria zen Jose Antonio Zalduak moztu zuen zinta, eta Lazkaon On Joxe Migel Barandiaranek. Arratsaldeko seiak bitartean —ordu horretan itxi zen zirkuitua— jende mor-doa bildu zen.

Izenak berak dioen bezala, euskararen alde ahalik eta kilometro gehien egitea zen helburua. Izan ziren bai lehen ekitaldi hartan makina bat itzuli egin zituztenak. Maiz, Alfontso Garcia, Garmendia, Illarramendi eta Velazquez korrikalariak izan ziren kilometro gehien egin zituztenak. Gehienek 53-54 kilometro egin zituzten, baina Garciak, 17 urterekin, 63 egin zituen.

“1973tik bideak tdekitzen
Hasi ginenetik helburuak argi
Lurralde mugak gaingidituz
Hizkuntzaz gogoak elkartuz
Hego eta iparraldeko lankideez
Erdizka osaturik lantegia
Gaurko eta bibarko beharrer
Erantzuna emaitako gertu.”

INDUSTRIA

OSAGAI

HORNITZAILEAK




ELEKTRONIKA

ETA ELEKTRIZITATE

ARLOETAN

SOKOA

Tel. 07/33 59 20 03 82 - Faxe: 07/33 59 20 46 39
BEHOBIA BIDEA 26 - 64700 HENDAIA



**KA
RAZ!**

... geureari atxekiz, aintzina!



SOKOA

**EUSKAL HERRIAN
Ekonomiak Kultura eta Euskara lagundu behar ditu**

Behobiko Bidea, 26 - 64700 HENDAIA (Lapurdi) - Tel.: (07.33) 59.20.10.05 - Faxe: (07.33) 59.20.54.80